

兩浙名賢錄

兩浙名賢錄卷七目次

忠烈

漢

鄧簿任景升光

廬江太守陸季寧康

三國吳

偏將軍董元代襲

丞相張巨先悌

宜都太守虞世方忠

偏將軍鍾離恂

晉

侍中嵇延祖紹

會稽內史謝瑗度琰

子渡榮
祖實附

吳國內史張偉康茂

弟益妻陸氏附

具與太守謝茂度選

冠軍長史沈世堅勁

宋齊梁陳

冠軍長史孔琇之

祠部尚書虞景豫棕

會稽郡公王子珣琳

征東將軍張四山嶸

東揚州刺史張彪

弟直崙妻楊附

廣威將軍卜天與

陳將三子一附

散騎侍郎沈攸之

子文和附

給事中丘道玄冠先

子桂附

沈茂隆昭略

御史中丞沈叔源浚

章華

隋

折衝郎將沈光

唐

臨海丞駱賓王

太子少師顏魯公真卿

睢陽太守許遠

五代

睦州刺史薛溫

內都監使水丘昭旉

宋

婺州教授胡瑗

戶部尚書梅和聖執禮

工部侍郎滕穎秀茂實 項鷄子德

秉義郎許世英瓊 先鋒董伯強公健

陳德固

子岩
肖附

中書侍郎陳賓王過庭

蔣煜

太常少卿吳鎮卿安國

士曹毛叔纘鼎

制置司參謀黃龍友友

太原府判劉士英

石礪王
稟附

安撫使徐徽言

子開從
孫適附

籍雲尉詹良臣

子大方
大猷附

青溪尉翁開

休寧知縣鞠嗣復

忠翊郎姜綬

子特
立附

開封少尹夏元茂承

開封令劉夢澤倚友

穎昌守何彥時志同

進士吳樞

雲和柳味道

太學徐宅卿袞

蓋縣簿祝公明

子陶附

通直郎劉平甫晏

司農少卿史徽

子龜年均年岑年附

鄉貢鄭季厚覃

兄章妻董孫曹多附

統制姚興

錢唐令朱蹕

何卓附

防城保甲於琳

承信郎李彥和靚

右僕射魏南夫杞

衛士唐琦

沈提舉瑄

龔生

戶部侍郎梁貴全總

子綸茲附

利東安撫使劉師文甲

海州通判侯道子畧

陳提刑壽孫

兵部侍郎應純之

蘄州知州李誠之

妻許子士九
從子士宏附

太府少卿楊叔鎮九鼎

定城尉張欽甫慙

太平倅豐公茂存芳

卒方
義附

饒州知州唐景實震

兄椿
附

通判池州趙卯發

妻雍
氏附

建康統制吳從龍

弟從
虎附

均州錄事朱不陸光

弟時
中附

霍丘尉徐臞叟梅龜

子尚
古附

金部員外吳德洪

弟雄
飛附

樊守張漢英

大理丞馮德父驥

弟驥
附

吏部尚書劉黻

母解氏妻
林氏附

浙西提刑徐道隆

知州趙
良淳附

司農卿杜貴卿澔

權知台州王珏

姪 賓 附

承議郎陳雲翁虞之

史館編校葉德平偁祖

太學徐應鑣

子琦 崧 女元 娘 劉汝錫 附

王小觀

徐梧叔夢魁

魏亨 附

林提刑融

鄭季華采翁

朱天 錫 附

行軍司馬陳與可自中

朝請大夫唐元章

從子良 嗣 附

軍器監簿趙平甫良坦

進士袁天與鏞

趙孟崧

吳叔大觀

陳非熊 熊三弟 三子二姪 附

朱吉父光

張軫 附

太學林逢龍

弟廷龍 友 齊應魁 附

張哲齋

兩浙名賢錄卷七目次終

兩浙名賢錄卷之七

東海徐象梅仲和氏謨

夜郎楊文驄龍友氏閔

忠烈

漢

共二人

鄧簿任景升光

任光字景升鄧人爲縣主簿時海寇作孽縣長朱嘉部
衆出戰爲流矢所傷賊突嘉前揮刃斫之光膏身捍嘉
力戰而死嘉獲免歸治出俸厚葬之爲之改服

盧江太守陸季寧康

陸康字季寧，續少子。康之子也。少惇孝，弟勤修操行。太
牛，幽察孝，庶肅後坐事伏誅。康歛尸送喪，還穎川行
殷禮，終舉茂才。除高城令，高城邊陲，長令至輒發民繕
城，又令戶一人具弓弩，備不虞。康皆罷遣，民大悅。康以
恩信爲治，盜亦屏息。州郡上狀，遷武陵太守，轉桂陽樂
安二郡。所至稱之。靈帝欲鑄劍人，詔歛民田畝十錢。時
水旱荐臻，百姓貧苦。康抗疏論諫，免歸。後徵拜盧江太
守，申明賞罰，擊破賊黨黃穰。獻帝時天下亂，康遣孝廉

討史象陰奉貢詔書嘉勞拜忠義將軍秩中二千石時
袁術屯壽春糧絕遣求兵甲康以其畔逆閉門不納設
備待之術怒遣孫策攻康圍城數重康固守受敵二年
力屈城陷不辱而死朝廷憫其節拜子儁爲郎少子續
自有傳

三國異

共四人

偏將軍董元代襲

董襲字元代餘姚人身長八尺英烈過人從孫策討平
山寇拜別駕司馬策薨事權以平彭虎功拜威越校尉

是偏將軍從討黃祖。祖橫兩線衝夾守沔口。以楫櫓大
繫繫石爲汀。上屯千人。强弩交發。飛矢雨下。軍不得前。
襲與交繞。各將死士百人人。被兩鎧。乘大舸。突入線衝
間。襲以刀斷兩經。大軍繼之。遂斬黃祖。功第一。曹操出
濡須口。襲從權赴之。其夜暴風。襲所督五樓舸皆傾。衆
驚潰。乞襲亟出。襲厲聲曰。將軍令備賊。可委去耶。義有
俱死耳。敢言者斬。於是莫敢言者。舸敗襲死。權哀痛。改
服臨殯。供應甚厚。陸機曰。吳大帝之能割據山川。跨制
荆吳。與天下爭衡者。襲有殺身衛主之功云。

丞相張巨先悌

張悌字巨先臨海人少爲諸葛恪所賞由是知名歷官
軍師拜丞相天紀四年晉師來伐孫皓使悌督沈瑩諸
葛靚帥衆三萬渡江逆之至牛渚沈瑩曰晉治水軍於
蜀久矣今傾國大舉萬衆齊力必悉益州之衆浮江而
下我上游諸軍無有戒備名將皆死幼少當任恐邊江
諸城盡莫能禦也晉之水軍必至於此宜蓄衆力待來
一戰若勝之則江西自清上方雖壞可還取之今渡江
逆戰勝不可保若或摧喪則大事去矣悌曰吳之將亡

賢愚所知非今日也。吾恐蜀兵來至此，衆心必駭懼，不可復整。今宜渡江，可用決戰力爭。若其喪敗，則同死社稷，無所復恨。若其克勝，則北敵奔走，兵勢萬倍，便當乘此南上，逆之中道，不憂不破也。若如子計，恐行散盡，相與坐待敵到，君臣俱降，無復一人死難者，不亦辱乎？遂渡江戰，吳軍大敗。諸葛靚與五百人退走，使人迎惓，惓不肯去，靚自往牽之，謂曰：「天下存亡，自有大數，豈卿一人所支？如何故自取死爲？」惓垂涕曰：「仲思今日是我死日也。且我作童兒時，便爲卿家丞相所拔，常恐不得其。」

死。負名賢。知顧令。以身殉社稷。復何遁邪。莫牽連之。如
是。觀流涕。放之。去百餘步。以見爲晉軍所殺。

宜都太守虞世方忠

虞忠字世方。翻第五子也。貞固幹事。好識人物。造吳郡
陸機於童亂之中。稱上虞魏遷於無名之初。終皆遠致。
爲著聞之士。交同縣王岐於孤宦之族。仕進先至宜都。
太守忠乃代之。時吳事日非。民心携貳。忠盡心撫輯。不
至糜沸。晉兵攻圍。與夷道監陸晏。晏弟中夏督京。戮力
堅守。城潰。不屈死。子譚自有傳。

偏將軍鍾離狗

鍾離狗山陰人。牧之子也。拜偏將軍。戍西陵。與監軍康
盛論地形勢。謂宜城信陵爲建。平授不然。敵將先入。盛
以建平守將。施續有智略。而不言。信陵當城。弗從狗計。
後晉兵果修信陵城。建平遂危。盛擊腕歎曰。不用狗言。
致有今日。及晉兵入。狗率水軍臨陳督戰。死。

晉共五人

侍中嵇延祖紹

嵇紹字延祖。魏中散大夫康之子也。以父得罪。靜居杜

門山濟領選。啓武帝曰：康誥有言，父子罪不相及。嵇紹賢，仲舒缺，宜加旌命，請爲秘書郎。帝曰：如卿所言，乃堪爲丞，何但郎也。乃發詔徵之。起家爲秘書丞。紹始入洛，或謂王戎曰：時於稠人中始見嵇紹，昂昂然如野雀之在雞群。戎曰：君復未見其父耳。裴頠亦深器之。每日使延祖爲吏部尚書，可使天下無復遺才。惠帝復阼，遷侍中。嘗詣齊王冏諮事，遇冏燕會，召董艾等共論時政。艾言於冏曰：嵇侍中善於絲竹，可令操之。左右進琴，紹推不受。冏曰：今日爲懽，卿何若此耶。紹對曰：公匡復社稷，

實執物作則垂之於後紹雖虛鄙忝備常伯腰紱冠冕
鳴玉殿省豈可操執絲竹以爲伶人之事若釋公服從
宴所不敢辭也。同大慙艾等不自得而退。及朝廷有
北征之役。天子蒙塵。王師敗績於蕩陰。百官侍衛莫不
敗潰。唯紹儼然。端冕以身捍衛。兵交御輦。飛矢雨集。紹
遂被害於帝側。血濺御服。天子深哀歎之。及事定。左右
欲浣衣。帝曰。此嵇侍中血。弗去。初紹之行也。侍中秦準
謂曰。今日向難。卿有佳馬否。紹正色曰。大駕親征。以正
伐逆。理必有征。無戰。若使皇輿失守。臣節有在。駿馬何

為聞者莫不歎息。贈太尉諡曰忠穆。紹誕於行，已不飾小節。然曠而有檢，通而不雜。與從子舍等五人共居。撫卹如所。同生門人故吏思慕遺愛，行服。墓次畢三年者三十餘人。

會稽內史謝瑗度琰

二子後學桓寶附

謝琰字瑗度安之子也。弱冠以貞幹稱。累官散騎常侍中。符堅之役，安以琰有軍國才，用出為輔國將軍。以精兵八千與從兄玄俱陷陳破堅，以勲封望蔡公。孫恩作亂，加督吳興義興二郡軍事。討恩至義興，斬賊許允。

之迎太守魏鄩還郡還討吳興賊丘虺破之又詔琰與
輔國將軍劉牢之俱討孫恩恩逃於海島朝廷憂之以
琰爲會稽內史都督五郡軍事本官如故琰旣以資望
鎮越土議者謂無復東顧之憂及至郡無撫綏之能而
不爲武備將帥皆謀曰強賊在海何人形便宜振揚仁
風開其自新之路琰曰符堅百萬尚送死淮南况孫恩
奔竄歸海何能復出若其復至正是天不養國賊令速
就戮耳遂不從其言恩後果復寇浹口尺餘姚上虞進
及邢浦琰遣參軍劉瑄之拒破恩旣而上黨太守張虔

碩戰敗，羣賊銳進，人情震駭，咸以宜持重嚴備。且列水軍於南湖，分兵設伏以待之。琰不聽。賊既至，尚未食，琰曰：「要當先滅此寇而食也。」跨馬而出，廣武將軍桓寶爲前鋒，摧鋒陷陣，殺賊甚多，而塘路迂狹，琰軍魚貫而前，賊於艦中旁射之前後，斷絕。琰至千秋亭，敗績。琰帳下都督張猛於後斫琰馬，琰墮地，與二子肇峻俱被害。寶亦死之。後劉裕左里之捷，生擒猛，送琰小子混，混剗肝生食之，詔以琰父子殞於君親，忠孝萃於一門，贈琰侍中司空，諡曰忠肅。

吳國內史張偉康茂

弟益妻陸氏附

張茂字偉康山陰人少有志行爲鄉里所尊初起義兵討陳斌郡賴以全元帝辟爲掾屬太子衛率出爲吳國內史沈克反茂起兵禦之與三子同被害茂弟益爲太守周札將軍克害札益亦死之茂妻陸氏討克以謝朝廷贈茂爲太僕

吳興太守謝茂度逸

謝逸字茂度上虞人永嘉太守鍼之子也性剛鯁無所屈撓頗有理識累遷侍中時孝武帝廢樂之後多賜侍

臣文諱、辭義有不雅者、邈輒焚毀之、其他侍臣被詔者、
或宜揚之、故論者以此多邈、後爲吳興太守、孫恩之亂、
爲賊胡桀、鄧驃等所執、賊逼令北面、邈厲聲曰、我不得
罪天子、何北面之有、遂遇害。

冠軍長史沈世堅勁

沈勁字世堅、吳興武康人也、父克與王敦構逆、衆敗而
逃、爲部曲將、吳儒所殺、勁當坐誅、鄉人錢舉匿之、得免、
其後竟殺譬人、勁少有節操、痛父死於非義、志欲立勳、
以雪先耻、年三十餘、以刑家不得仕、進郡將王胡之深

其之及遷鎮洛陽上既言其與男子沈勁清操著於鄉
邦貞固足以幹事若令參臣府事義附必衆詔聽之升
平中慕容恪侵逼山陵時冠軍將軍陳祐守洛陽衆不
過二千勁自表求配祐戮力因補勁冠軍長史令自募
壯士以助祐擊賊頗以寡制衆而糧盡援絕祐懼不能
保會賊寇許昌祐因以掠許昌爲名率衆而東留勁以
五百人守洛陽勁欲致命欣獲死所尋爲恪所攻城陷
被執神氣自若恪奇而將宥之中軍將軍慕容虔曰勁
雖奇士觀其志度終不爲人用今若赦之必爲後患遂

通官朝廷聞而嘉之贈東陽太守

宋齊梁陳

共十九人

冠軍長史孔琇之

孔琇之山陰人少有吏能歷尚書左丞廷尉卿出爲臨
海太守在任清約罷郡時嘗獻乾薑二十斤武帝以爲
薄後知其清乃深加歎息隆昌元年遷爲晉熙王冠軍
長史行郢州事欲令殺晉熙琇之辭不許遂不食而死
祠部尚書虞景豫綜

虞綜字景豫餘姚人少事父秀以孝聞仕宋爲黃門郎

明帝誅山陽王休祐比葬隆寒雪厚三尺故人無至者
惟棕一人赴葬初齊武帝貧薄棕數相分遺出必呼與
同載及卽位以爲太子中庶子遷祠部尚書領右軍明
帝暴立稱疾不陪位帝以棕舊人使尚書令王晏示以
廢立徵引恭佐命棕謂晏曰主上明聖公卿戮力寧假
朽老以贊維新因慟不自勝朝議欲糾之僕射徐孝嗣
曰此古之道直也不可乃止

會稽郡公王子珩琳

王琳字子珩山陰人本兵家子梁元帝居藩琳姊妹竝

人後庭見幸。琳由此未弱冠，得在左右。少好武，遂爲將。帥琳輕財愛士，得將卒心。佐吏數千，皆能識其名。姓以軍功，封建寧縣侯。從王僧辨破侯景，拜湘州刺史。帝爲魏國，逼徵琳赴援。師次長沙，聞帝遇害，乃率三軍，竊素舉哀，傳檄四方，爲進取計。陳霸先既殺王僧辨，擁立敬帝，以侍中司空徵琳不赴。乃大營樓船，將圖義舉。霸先遣侯安都、周文育討琳，逆戰於沌口，敗之。擒安都、文育，遂克江州。及敬帝被弒，琳乃請於齊迎永嘉王莊於民間。方七歲，立爲梁王，而輔之。舉兵東下，與陳師遇。琳乘

風舉火，擲敵船，風忽逆，反燒遂大潰。琳乃率莊入齊。齊以琳爲會稽郡公，陳將吳明微攻齊，琳與將軍破胡禦之。破胡不用琳計，輒大敗琳，單騎走彭城。明微進兵圍之，堰泥水灌城，城陷，被殺。百姓哭聲如雷。有一叟以酒脯號，酌盡，哀收其血，懷之而去。陳人懸琳首於建康市。故吏朱瑒致書徐陵，請許其葬。瘞八公山側，會葬者數千人。尋有壽陽人茅智勝等，密送其柩還鄉里。

征東將軍張四山嘜

張嘜，父稷，齊朝爲劍令。至嘜，亭生子，因名嘜，字四山。後

遂家焉。嶮雅有志操，起秘書郎，遷湘東王長史，還爲太
府卿，吳府太守。侯景圍建業，率兵赴援，授征東將軍。嶮
曰：天子蒙塵，何情復任綈號？或勸迎降，嶮叱曰：吾以身
許國，有死無二。賊劉仁茂下義興，遣使說嶮，嶮斬其使，
遣軍破之。景助仁茂擊嶮，軍敗，執送建業。景猶欲活其
子，嶮曰：吾一門已在鬼錄，不就爾虜，求恩景，怒盡殺之。
梁元帝追贈侍中、開府儀同三司，諡忠貞。

東揚州刺史張彪

弟崑崙妻楊氏附

張彪居若耶山中，臨城公大連出牧東揚州，以爲中兵

秦軍戾景將宋子偃攻下東揚州。還入若耶山。義舉貞陽戾卽位。以爲東揚州刺史。陳文帝入會稽。彪擊走之。沈泰申進等共叛。彪敗。遂與弟崑崙及妻楊氏還入若耶山。一犬名黃蒼在彪前後。陳遣章昭達領兵購之。并聞其妻。劫來黃蒼。便噉一人中喉。死。彪映火識之。曰。卿須我者。但可取頭。誓不生。見陳蒨。謂妻楊曰。我不忍汝落他處。今當先殺汝。然後就死。楊引頸受刀。不辭。彪不下刀。便相隨下嶺。彪謂楊曰。從此而決。若見沈泰申。進等爲語。功名未立。猶望鬼道相逢。劫卽殺彪。并其弟。

首致於昭達進兵迎楊楊便改啼爲笑謂昭達願彪墮
畢黃蒼俯伏冢間號叫不肯離楊還經彪宅謂昭達曰
婦人本在容貌今辛苦日久請暫過宅妝飾楊入室遂
割髮毀面哀哭慟絕誓不更行文帝聞之歎息遂許爲
尼彪起於若耶興於若耶終於若耶及妻犬皆爲時所
重異。

廣威將軍卜天與

附 隊將張泓之朱道欽陳滿子伯宗

卜天與餘杭縣人善射弓力兼倍容貌嚴毅太祖以舊
箭子使教皇子射累年以白衣領東掖防關隊減質救

應張劉典祖守白石並率所領隨之以功遷擊後第一
隊撫卹士卒甚得衆心拜廣威將軍領左細仗元凶入
弑事變舍卒皆將羅訓徐牢皆望風款附天與不暇披
甲執刀持弓疾呼左右出戰徐牢曰殿下人汝欲何爲
天與罵曰殿下常來云何卽時方作是語只汝是賊手
射斃於東堂幾中逆徒擊之臂斷倒地乃見殺其隊將
張泓之朱道欽陳滿與天與同出拒戰並死世祖卽位
詔曰日者逆豎犯蹕彙變卒起廣威將軍關中疾良天
與提戈赴難挺身奮節斬殪凶黨而旋受虐刃勇冠當

時義作古烈、典言追悼、傷痛於心、宜加甄贈、以旌忠節、可贈龍驤將軍、益州刺史、謚曰壯侯、車駕臨哭、泓之等、各贈郡守、給天與家長、廩子伯宗、殿中將軍、明帝泰始初、擊南賊於赭圻、戰沒、蓋世濟忠烈云。

散騎侍郎沈仲達、攸之

子文和附

沈攸之、字仲達、武康人、少孤貧、隨從父慶之、平雍州、征廣陵、屢有功、歷官散騎侍郎、大明景和間、與蕭道成同直殿省、深相親善、道成女爲攸之、子文和、婦及道成遣楊玉夫等、弒蒼梧王、立安成王、準爲順帝、道成自爲

司寇錄尚書事假黃鉞出頓新亭謀殺宋祚遣攸之子
元璜齋蒼梧王朝斯之具示攸之攸之奮然曰吾寧爲
王陵死不作賈克生乃遣道成書曰少帝昏在宜與諸
公密謀共白太后下令廢之奈何交結左右親行賊逆
乃至不顧流蟲在戶凡在臣下誰不悅駭又移易朝舊
布置親黨官閭管鑰悉關家人吾不知子孟孔明遠謂
曰如此乎足下既有賊宋之心吾豈敢捐包胥之節邪
書至道成洵懼攸之有素書十數行常韜留襍角云是
明帝與已約誓又得太后手書卽舉兵姜氏等諫曰官

年已老，那不爲百口計，攸之指兩襟角示之曰：吾豈能忘此遂將兵攻郢州，爲錄事柳世隆所破，謀還江陵，聞城已爲張敬兒所據，攸之於是與子文和俱至華容之標林，父子俱自經死。

給事中丘道玄冠先

子雄附

丘冠先字道玄，吳興人，少有節義。齊永明中，位給事中，時求使蠕蠕國，尚書令王儉言冠先雖名位未升，而義行甚重，若爲行人，則蕪武鄭衆之流也。於是使蠕蠕，蠕蠕逼令拜冠先執節不從，以刃臨之，冠先日：能殺我者

婦孺也不能以天子使拜我狄者我也遂見殺武帝以冠先不辱命賜其子雄錢一萬布三百疋雄不受詣關上書曰臣父執節如蘓武守死如谷吉遂不書之良史觀之褒策萬代之後誰死社稷先建元四年車僧朗對使不異抗節是同詔贈正員外郎此天朝舊準臣父成例也今僧朗反葬冢塋臣父湮弃絕域語忠烈則亦不謂卑論茶苦則彼優而此劇名位不殊禮數宜等乞申哀贖書奏不省

沈茂隆昭略

沈昭略字茂隆，昭明弟也。齊主寶卷，標輕忍虐，大行誅戮。中郎蕭許準勸司空徐孝嗣行廢立。孝嗣遲疑，召百官集議。將軍沈文季自以老疾，不預朝權。昭略謂之曰：「叔父行年六十，爲員外僕射，欲求自免，豈可得乎？」文季笑而不應。齊王知之，召孝嗣、文季、昭略入華林省，使茹洪珍賜以藥酒。昭略怒罵孝嗣曰：「廢昏立明，古今令典，宰相無才，致有今日。以甄投其面，曰：『使爲破面鬼。』」孝嗣曰：「見卿使人想夏侯太初。」昭略曰：「明府猶憶夏侯，便是方寸不能都豁下。官見龍逢比干，忻然相對。霍光若問今

日之事何難答之臨死言笑自若

御史中丞沈叔源浚

沈浚字叔源。憲之孫也。少涉學。有材幹。仕梁。歷山陰縣。建康三縣令。並有能名。梁太清二年。累遷御史中丞。時臺城爲庾景所圍。外援並至。累表請和。武帝使浚往景所。浚曰。朝廷恐和好乖貳。已密勅外軍。堅壁固守。若臺城傾覆。勿以二宮爲念。當以死雪耻。大將軍十萬之衆。將欲何資。景橫刀於膝。瞋目叱之。浚乃正色。責景曰。河南王人臣。而舉兵向闕。今朝廷已赦王罪。結盟。口血未

乾而復翻背。沈浚五十之年，常恐不得死，所何爲以死。相懼耶？徑去不顧。景歎曰：此真司直也。浚東歸，與吳興太守張曠起兵討景。景使戾子鑿寇吳興，吳興兵力寡弱，戰敗，曠與浚俱不屈而死。

章華

章華，吳興人。陳後主時，同郡沈客卿與施文慶俱掌機密大事，刻削士庶，每責關市之估，朝野側目，人心思亂。華發憤上書曰：昔高祖南平百粵，北誅逆虜，世祖東平吳會，西破王琳，高宗克復淮南，辟地千里，三祖之功勳。

亦至矣。陛下卽位於今五年，不思先帝之艱難，不知天
命之可畏，溺於嬖寵，惑於酒色，祠七廟而不出，拜三妃
而臨軒。老臣宿將，弃之草莽。諂佞讒邪，升之朝廷。今疆
場日蹙，隋軍壓境。陛下如不改絃易張，臣見麋鹿復游
於姑蘓。書奏卽日，斬之士民，寃痛未幾，臺城失守。隋晉
王以客卿重賦，厚歛誅之，以謝百姓。

隋 凡一人

折衝郎將沈光

沈光，吳興人。少驍捷，善戲馬，爲天下最。居常擊腕以功。

石自矢場帝時以材武應徵從攻遼東立衝梯擊城竿
長十五丈光升其端臨城與賊戰短刀接殺數十人帝
壯異之以爲折衝郎將江都之難勇氣鬱勃挺戈而前
以聞死麾下數百人皆力戰而死無一降者壯士聞之
莫不爲之隕涕

唐

共三人

臨海丞賈賓王

賈賓王義烏人七歲能賦詩與王勃楊炯盧照隣以文
章齊名號爲四傑初爲道王府屬嘗使自言所能賓王

不答。歷武功主簿。裴行儉總管涇州。表掌書記。不應上。啓陳情詞。言哀愴。有李令伯之風。調長安令。擢侍御史。以武氏卽位。數上疏言事。因得罪。詔獄賦螢火。咏蟬。諸篇。以見志。武氏釋其罪。下除臨海丞。怏怏不得志。弃官去。李敬業起義。署爲府屬。傳檄天下。斥武氏罪狀。武氏讀且嬉笑。至一杯之土。未乾六尺之孤。安在。矍然曰。誰爲之。左右以賓王對。武氏曰。宰相安得失。此人敬業敗。賓王亡命。不知所之。中宗時。詔求其文。得數百篇。

太子少師顏魯公真卿

顏真卿字清臣秘書監師古五世孫其先...
任益官州判卒於治所父必寧送占籍爲益官人真卿
博學工文事親孝開元中舉進士遷監察御史使河隴
時五原有冤獄久不決天大旱真卿辨獄而雨都人呼
御史雨遷殿中侍御史楊國忠惡之出爲平原太守安
祿山有逆謀真卿度必反陽託霖雨增俾濟陞料丁壯
儲廩廩日與實佐泛舟飲酒以紓祿山之疑祿山反河
朔盡陷獨平原爲朝廷守使參軍李平馳奏玄宗始聞
亂歎曰河北二十四郡獨無一人義士耶及平至乃大

喜謂左右曰吾不謙顏真卿作何狀乃能如是時平原
有靜塞兵三千益募得萬人遣李擇交統之分布諸將
慷慨誓師泣數行下衆益感厲饒陽濟南清河鄆郡景
城五郡長吏各以衆歸會賊方破東都遣逆黨段子光
傅李愷盧奕蔣清首徇河北真卿恐衆懼給諸將曰吾
素識愷等其首皆非是乃斬子光藏三首他日結芻續
體爲位哭之是時從父兄杲卿爲常山太守斬賊將李
欽奏等清土門十七郡同日自歸推真卿爲盟主兵二
十萬絕燕趙詔拜戶部侍郎尋加河北招討採訪使用

清河人李萼計與兵六千出程千里之師遂成衆邑之功及賀蘭達明戰敗會平盧將劉正臣以漁陽歸真卿欲堅其意遣買載越海遣軍資十餘萬以子頗爲質頗甫十歲軍中固請留之不從肅宗卽位拜工部尚書賊益發兵乘虛急攻河北復陷真卿單身詣行在投憲部尚書遷御史大夫立朝多正議宰相厭其言出爲馮翊太守轉浙西節度使召爲刑部侍郎李輔國遷上皇西內真卿率百官問起居輔國惡之貶蓬州長史代宗立累遷尚書右丞俄以檢校刑部尚書爲朔方行營宣慰

使未行，留知省事，封魯郡公。屬元載建言，羣臣白事，宜先白長官，長官白宰相，宰相詳可否以聞。真卿上疏力忤其壘蔽，因上書於林甫，言甚切至。載恨之，以他事斥真卿，謫貶峽州別駕，改吉州司馬，遷撫湖二州刺史。載誅楊綰薦之，再擢吏部尚書。楊炎當國，以抗直不容。改太子少師，猶領使，進太子太師，并使罷之。當是時，李希烈陷汝州，遣別將取尉氏，圍鄭州。東都震駭，先是盧杞不悅真卿，欲出之。真卿謂杞曰：「先中丞傳首至平原，真卿以舌舐面血，今相公忍不相容乎？」杞震然起拜而

恨之益深。至是上問計於杞。杞曰：誠得儒雅重臣爲陳
禍福，可不勞軍旅而服。顏真卿三朝舊臣，忠直剛決，名
重海內，人所信服，真其人也。上以爲然，遣真卿宣慰希
烈。詔下，舉朝失色。真卿乘傳至東都，鄭叔則曰：往必不
免，宜少留以頌後命。真卿曰：事不避難，臣之職也。君命
其可違乎？至許，欲宣詔旨，希烈使其養子千人環繞，縋
罵，露刃脅之以死。真卿正色抗辭，賊黨奪氣。希烈乃囚
真卿，守以甲士，掘方丈坎於庭，示將阬之。真卿曰：死生
分矣，何多爲？遂拘送真卿蔡州。真卿度必死，乃作遺表。

墓誌祭文於寢室西壁下曰。此吾殞所也。希烈僭號遣使問儀式。真卿曰。老夫耄矣。曾掌國禮。所記諸侯朝覲儀耳。與元後王師復振。賊處變遣將章景臻至其所。積薪於庭。曰。不能屈節。當焚死。真卿起赴火。景臻等遽止之。會希烈弟希倩坐朱泚誅。希烈因發怒。使鬪奴等害真卿。偽曰。有詔賜卿死。真卿再拜曰。老臣無狀。罪當死。然使人何日長安來。奴曰。自大梁來。真卿大罵曰。然則逆賊耳。何詔爲。遂縊殺之。曹王臯聞之泣下。三軍皆慟。唐廢朝五日。贈司徒謚文忠。真卿正色立朝。剛而有禮。

天下稱之者不以姓名獨曰魯公善草隸筆力道勁世傳嘉之。

睢陽太守許遠

許遠，藍官人。徽宗之曾孫也。遠寬厚長者，明吏治，安羣山。反或薦遠於玄宗，召拜睢陽太守。適張巡拔衆至睢陽，與遠合兵拒賊。自以材不及巡，請稟軍事，一切推決。而專治兵糧，械具被圍數月，食盡，士多餓死，存者皆瘠。傷氣乏，遠殺僮僕以哺卒。至羅雀掘鼠，煮鎗弩以食衆。議東奔，遠巡議曰：「睢陽江淮保障也，若奔之，賊乘隙鼓。」

而南江淮必亡。且率飢衆行，必不達。未幾，城陷。與巡俱被執。時安慶緒在洛陽，尹子奇械送其所。至，偃師，以不
屈死。詔贈荊州大都督。子玫拜婺州司馬。德宗差次至
德，以來將相功効尤著者，以巡遠爲上。貞元中，復官。遠
他子峴，大中時，闖像凌烟閣。初，大曆中，巡子去疾上書
曰：「蔡胡南侵，父巡與睢陽太守遠各守一郡，城陷賊入，
負遠分，巡及將校三十餘皆割心剖肌，慘毒備至。而遠
與麾下無傷。巡臨命歎曰：『嗟乎！人有可恨者，賊曰恨我
乎。』曰：恨遠心不可得，誤國家。若死有知，當不赦于地下。」

故遠心向背。梁宋人皆知之。使國威喪。劬功業。敗則
遠於臣。不共戴天。請追奪官爵。以刷冤耻。詔下尚書省。
議皆以去疾證狀最明者。城陷而遠獨生也。且遠本守
睢陽。凡屬城以生。致主將爲功。則遠後死。不足感若
曰。後死者與賊。則先死。死者謂巡。叛可乎。當時去疾尚
幼。事未詳知。且艱難以來。忠烈未有先二人者。不可矣。
輕重議乃罷。然議者紛紜不齊。元和時。韓愈著辯曰。二
人守死成名。先後異耳。二家子弟材下。不能通知其父
志。使世疑遠畏死。服賊。遠誠畏死。何苦守尺寸飽食所

受之肉抗不降乎且見授不至人相食而猶守雖甚愚
知必死矣遠不畏死明甚又言城陷自所守此與兒童
之見無異且人之將死其肺臟必有先受病者引繩而
絕之其絕必有處今從而尤之亦不達於理矣自後衆
論乃定

五代

共二人

睦州刺史薛溫

薛溫錢唐人有勇力善騎射吳越王弘佐時爲都頭統
軍使胡進思恃迎立功干預政事弘怒之有所謀議

輒回折之。進思恨怒不自安。弘侔與指揮使何承訓謀逐之。又謀於內都監使水丘昭恭。昭恭以進思黨盛難制。不如容之。而承訓反以謀告進思。進思作亂。帥親兵夜入。見弘侔。比之不退。猝愕趨入。義和說進思鎖其門。矯稱王命。告中外云。猝得風疾。傳位於弘侔。於是殺弘侔。而遷弘侔於衣錦軍。弘侔遣溫將親兵衛之。潛戒進思。若有非常處分。皆非吾意。爾以死拒之可也。進思欲廢王弘侔。弘侔不許。進思詐以王弘侔害之。具奏。命衛王不聞殺王無已。必請而後可。進思意沮。

乃復令二人挾刃踰垣而入弘侖闔戶大呼溫聞之急
率衆入立斃之庭中。人告弘俶弘俶大驚曰全吾兄者
汝之力也。進思內憂懼疽發背死。弘侖由是獲全。溫累
官睦州刺史卒。謚正獻。

內都監使水丘昭券

水丘昭券臨安人性沉厚知書能文章事吳越王佐爲
內都監使佐欲誅程昭悅令昭券夕率甲士千人圍其
第昭券曰昭悅家臣也有罪當顯戮不宜夜興兵未幾
佐卒侖嗣與何承訓謀逐胡進思昭券諫不從謀洩繼

作昭券聞變入衛遂被害進思之妻曰他人猶可殺昭
券君子也奈何害之進思後亦悔懼曰我不幸獨害君
子。

宋

共九十七人

婺州教授胡埜

胡埜金華人事親以孝聞崇寧間應八行舉除婺州教
授宣和二年冬方臘反青谿據歛睦明年兵及婺境官
吏皆風聞夜去通諸生勸埜避難埜曰先世以武功
顯而我應八行舉豈可上負朝廷下辱先世耶城陷闔

室皆死之事聞贈朝散大夫

戶部尚書梅和聖執禮

梅執禮字和聖浦江人以進士調常山尉遷九域志編脩秩滿除武學博士或謂執禮文儒不宜處以武士執禮欣然就職陳說大義間親挾弧矢爲諸生倡大司成賢之數爲宰相言相以未識面爲歎執禮問之曰以人言而得必以人言而失吾求在我而已卒不往擢軍器監丞改丞鴻臚遷比部員外郎進國子司業召試中書令人移給事中拜禮部尚書素與王黼善黼嘗招執禮

飲夸示園親女樂之盛執禮曰公爲宰相當與天下同憂樂今方臘流毒吳地瘡痍未平豈歌舞宴樂時耶
怒以他事出知滁州欽宗立徙知鎮江府召爲翰林學士改戶部尚書方軍興調度不足執禮請以禁內錢給有司凡六官廩給皆由度支乃得下月省浮費三十萬金人犯關執禮勸帝親征而請太上皇皇后太子皆出避用事者沮之洎失守金人質帝於營遷求金繒以贖百千萬計執禮與同列陳知質程振等四人哀民力以困相與謀曰金人所欲無藝極雖銅鐵亦不能給蓋

軍法結罪倘窒其去或語金帥曰城中七百萬戶所食未百一但許民持金銀易粟麥當有應者已而果然物怒呼四人責之答曰天子蒙塵臣民皆願致死雖肝腦不計於金縢何有實緣比屋枵空無以塞命耳帥問守長何在振恐執禮獲罪遽前曰皆官長也帥益怒先取其副胡舜陟胡唐老姚舜民王俱各杖之百執禮猶爲之請俄遣還將及門呼下馬擗殺之而梟其首時靖康二年二月也是日天宇盡冥士庶皆隕涕憤歎初二帝再出執禮力爭不從遂大慟歸見其母曰主辱臣死何

以生爲母日忠孝難兩全汝受國厚恩當刺心上報慎勿以老人爲念執禮乃以其母屬兄弟去與諸將謀奪萬勝門夜搗敵營以二聖歸以賑給爲名與宗室子賂密謀結軍民不旬日得十餘萬王時雍徐秉哲聞之使范瑔泄其謀故及於難執禮通諸經尤長於易所著有文集五十卷高宗卽位詔贈資正殿學士謚曰節愍

工部侍郎滕秀穎茂實

滕茂實字秀穎臨安人登政和八年進士靖康元年以工部員外郎假工部侍郎副路允迪出使虜議割三鎮

太原。尋奉密詔據城不下。金酋怒囚之雲中。欽宗北遷。自離都舊臣無敢候起居者。茂實聞欽宗將至。乃作自哀辭。及篆宋工部侍郎。滕茂實墓九字。表以奉使黃旗。投其友人董誥。屬之後事。翌日。欽宗及郊。茂實具冠幘號哭迎拜。詰罕逼令易服。茂實力拒不從。士民見者皆爲泣下。茂實請從舊主俱行。金人不許。自是拘留。以憂憤卒。時建炎二年八月也。三年。董誥自拔歸。張浚以爲陝西轉運判官。誥乃錄其哀詞。使其同歸者羅鉞來獻。其詞曰。滕茂實奉使無狀。不復返。父母之邦。得全臣節。

以死幸以所仗節旛裹其尸有篆字九葬於臺寺下不
必封植萬一從請知死窮微則爲乞骸骨歸悉如前禮
至是浚亦以其事上於朝詔宣付史館特褒錄之紹興
二年贈龍圖閣直學士謚忠節官其家三人

項鷓子德

項德武義人克郡禁卒宣和初盜陷婺城縣亦隨沒德
率潰亡輩破賊於城隍廟東抗江蔡西拒董舉北捍王
國大小百餘戰出則居先入則殿後俘虜莫勝計賊目
爲項鷓子聞其鉅則遺遺王師至謀合而殲之賊聞盡

魏邀德於黃嶺下德力戰死邑人哭之聲震山谷遂於城隍廟肖其像而祀之

乘義郎許世英瓊

許瓊字世英東陽人剛毅有力善騎射微時嘗毀淫祠而癘疫息人咸敬之宣和中邑懷德鄉寇起瓊集民壯攻討之鄉賴捍衛隨奉檄援郡城有功上其事補乘義郎攝郡事既而寇寇人境屢挫其鋒久之兵食不繼而盜益兵攻城瓊力戰死之屍猶僵立如生能戰所擊馮而歸至今廟食於鄉子孫繁衍爲邑巨族

先鋒董伯強公健

董公健字伯強新昌人宣和庚子冬方臘起桐廬蔓延
新昌官吏奔竄莫敢當公健慨慷率子弟聚里中萬人
取以紀律遂破賊焚其寨斬首千級境內復安王師討
剡西賊擢公健爲先鋒公健藉累勝之威輕視賊以數
百當數千殺獲頗衆已乃王師不進勢孤援絕公健度
事不可爲呼衆語曰大丈夫寧以義死不可以不義生
遂自殺人皆歎息垂涕贈武功大夫汝州團練使官其
諸子

陳德固

子岩肖附

陳德固，金華人。靖康初，爲京城守禦司屬官。嘗獻守禦之策，朝議沮之。及京城失守，督士卒與虜力戰而死。清良貴哭以詩云：黠虜登城日，中華將士奔。人皆趨北關，君獨死南門。秘計無人用，英聲有史存。秋原悲淚落，桂酒與招魂。蓋記實也。子岩肖，以任子中紹興戊午詞科，仕至兵部侍郎。

中書侍郎陳賓王過庭

陳過庭，字賓王，山陰人。第進士，累官吏部右司員外郎。

管仁遂時傳達主苦風庫又入箭指一日過庭正其
妄且勸帝傍邊備歷遷御史中丞兼侍讀睦寇竊發過
庭言致寇者蔡京蔡攸者王黼蔡二人則寇自平又論
朱劭父子本刑餘小人交結樞近竊取名器罪惡盈積
宜昭正典刑以謝天下由是許肯安置黃州及欽宗立
以兵部侍郎召在道除中丞過庭論近日爵命不由勅
續又請立仁后詔詢又劾姚古擁兵不救太原之罪擢
右丞中書侍郎議遣大臣使金耿南仲以老詎昌以親
辭過庭曰主憂臣辱願效死帝爲揮淚歎息固遣南仲

及城陷。遇庭護帝北遷。因被留。不還。四年六月卒於山。明年贈開府儀同三司。謚忠肅。

傅燧

燧，字居人，有文學而喜諧笑。善狎人人，亦以是狎之。宣和寇亂，與燧遇，欲妻以女。燧拒之，脅以拜，指其膝而罵曰：「此豈拜賊者邪？」寇怒，抽刃擬之，曰：「吾戮汝矣。」燧伸頸就刃，罵不絕口而死。燧性滑稽，其臨難果決有如此。太常少卿吳鎮卿、安國。

吳安國，字鎮卿，麗水人。宣和初，上舍釋褐，授宗奇其文。

擢第二尋召入史館遷考功郎中以太常少卿使金扈
賀正且使至接伴館金人渝盟欲脅服之安國毅然不
屈曰我首可得我節不可奪金人不敢犯靖康初遣還
後知袁州卒

士曹毛叔穎

毛鼎字叔穎江山人少有節操晚以特恩爲歙士曹賊
寇攻城官吏皆遁鼎曰吾職司寇獄有繫囚誼不可去
乃攝州事時二子貢辟雍卽遣人持獄印縋城以出令
上之朝城陷鼎衣冠坐堂上賊脅使降不屈罵賊不絕

口嬰刃而死。妻錢氏弗忍去。婦掖其姑。又弗忍去。卒俱遇害。事聞。贈朝請郎。官其後。

制置司叅謀黃龍友友

黃友字龍友。平陽人。資稟豪邁。慨慷不羈。十五入太學。常語同輩曰。大丈夫不能爲國立功。亦造化中贅物耳。明年投筆西遊。邊帥劉法一見竒之。延致幕下。又明年西鄙侵軼。都護高永年戰沒。友作七詩哀其忠。後幕府奏功。沒永年之寶。故卹典不及其子。以友詩進。徽宗覽之惻然。遂加贈諡。而友亦免省試。遂擢第。調瑞安簿。禮

李處令政有聲宜和聞方臘之亂爲宜撫司募官攝
幕令寇不敢犯以功命攝婺州兵曹往諭浦江羣盜皆
望風解去獲軍騎次武義賊衆持釘一器置其前友正
色叱之曰汝等何速死耶賊首李德壯之亟麾退一境
怙然遷通判澶州僉金人敗盟郭藥師以常勝軍叛燕
土響應友獨率數千人與之血戰躬冒矢石破裂唇齒
奪路詣京制置疾度宰相李綱皆薦召對欽宗問卿唇
齒何以破裂友以實對欽宗稱歎費予甚渥進直徽猷
閣制置司參謀官同种師中解太原圍友遣兵二千奪

輸次無得糧萬餘斛。明日大軍進十里而止。友至白師中地非利。將三百受敵。論不合。友仰天長歎曰：「大事去矣。」追曉兵果四合。敵執友曰：「降則赦汝。友厲聲曰：「男兒死耳。罵不絕口。虜怒以脂蠟塗其身。倒豎焚之。時年四十七。贈七官。至中大夫。官其子。若婿人人。御書忠節傳家四字。旌其廬。友體貌英偉。膽雄萬夫。謀畫機密。出人意外。嘗語子弟曰：「天下承平日久。武事玩弛。萬一邊書告急。馬革裹尸。乃吾素志。他日收吾骸。足心有黑子者。是汝其識之。其忠誠許國。根於天性如此。」

太原府判劉仲發士英

石碣王稟附

劉士英字仲發武康人少篤學年三十一登第調武進
尉改温州教授宣和三年方臘賊黨李時彙起清溪陷
明越諸郡乘勢直擣郡城守貳汧汧相顧潛具海航爲
自避計士英伺知之乃與郡人石礪謀條畫守城策責
責有官守者以義自郡將請以身任其事處置有方
令明肅遠郊之民爭赴城益克實明年五月賊擁衆合
圍士英躬擐甲巡城督勵士卒王師繼至賊衆遂潰城
賴以全中丞郭三益薦士英忠勇才略召對賜章服權

通判太原府至郡未及暮金虜入寇兵帥童貫有威志
將如京師告急實欲自免士英謂太原乃國家咽喉之
地遂率通判方笈及兵官王稟仗劍立城門外以伺其
出貫遂寢行郡守張孝純因士英仗義不回始定守禦
計時內外阻絕郡遣蠟丸奏急于朝者三百餘通卒不
報城守踰年糧盡矢竭虜踰城縱火士英與王稟奉太
宗皇帝神主慟哭於庭持短兵接戰虜以刃脅降士英
罵曰我爲天子死不爲犬戎生遂死之時靖康丙午秋
九月也年四十五議者以英稟方唐之邈遠云

安撫使徐彥猷

子嗣從孫通附

徐彥言字彥猷西安人泌之孫也大觀二年詔求材武
韓忠彥范純粹劉仲武以彥言應詔召見崇德殿賜武
舉絕倫及第授保德監兵政和六年夏人犯邊與吳玠
統兵禦之其前軍先掠保德彥言夜半率精騎據險設
伏夏人至彥言揮兵突擊擒其首以功授閭門祇候尋
復由銀州入寇命彥言統河西諸將討之夏師大敗七
年權知晉寧軍嵐石路沿邊安撫時金虜圍太原王師
屢却虜分兵據嵐石及瀕河郡縣以絕餉道數月王命

不通。察訪使張灝奏遣徽言擊賊，牽制太原，卽率師渡河。戮將士不用命者一戰破之。復太原，通嵐石事，聞降詔獎諭。遷武經大夫，陞安撫使，提舉嵐石隰麟府豐等州兵馬。靖康元年，虜騎犯順，陝西置制范致虛率諸兵入援，徽使鎮守河西。欽宗以涼被圍，分命大臣割兩河予虜，覲以紓難。聶昌出河東爲虜所劫，乃割河西三州與夏人。晉寧民大恐，曰：「戲府豐旣弃，則晉寧豈能獨存？」徽言曰：「此使人誤耳。」卒兵復三州，夏人所置守長出降。徽言論遣之，夏人不敢爭。徽言復取嵐石等郡於虜，俄

兩京陷二聖北狩朝廷遣漕臣桑景諱葛菟置司晉寧
贍軍二人皆不至廩餉絕徽言屯田並塞地大積芻粟
教士習水戰乘渾脫涉河往來金人遣大酋號九州都
統與晉寧對壘徽言以奇兵襲禽之是時河東郡縣皆
陷日夜望王師至徽言招集土豪數百人皆以便宜借
授得衆十餘萬因奏言將自統兵直趨太原徑取雁門
留兵戍之命土豪之得郡縣者各自爲守許以世襲既
定全晉據形勢則中原不日可平大臣謂兵一出則和
不可成迺俾聽王庶節制議雖尼虜深忌之銳欲得晉

寧建炎二年虜自蒲津涉河縣澄城趨綏德綏德迎降
遂至晉寧徽言以書約府州折可求使出兵犄角無嬰
城坐困可求以其子彥文爲虜得遂降虜可求徽言妻
黨也虜挾之城下誘說使降徽言登陴責以大義可求
曰車駕以北兵暗字縣君雖至誠欲與誰守徽言以聞
道所得建炎赦書讀示之慷慨泣下可求復曰君與我
何太無情徽言手弓對曰爾於國家無情我於尔安得
有情且此箭更無情一發中之可求蒙楯走因突出奮
擊大破之斬婁宿孛董之子初徽言謂晉寧號天下陸

爲廣外城東塹大河備械甚設命諸將畫隅分守自以
勁兵往來游援虜圍之益急爲堙繚城晉寧俗不井飲
汲於河虜驅降人載芟石以擁之城。中水乏儲待寢虜
鎗仗空蔽人人備憂知隕亡無日徽言能得衆心奮柁
餓飭瘼之餘哀折槩斷刃以死固守自度不支取砲機
篋格凡守具悉火之曰無以遺虜遣人間道以蠟書東
南走告兄昌言曰某孤國恩死矣兄當勉事聖主且日
時衆蟻附登城嬰城之人疲於守禦坐受斷刃徽言獨
持大斧盡殺先登者士氣復振虜亦稍却會將石贊受

傷飛箭內書虜從其分地人徽言先置家室空室中積薪焚之率張下戰鬥中數十合所手殺甚衆左右死傷略盡遂嬰牙城以守虜衆謹至徽言坐堂上慷慨語將士我天子守臣義不見劬賊手因拔佩刀自擬衆爭號呼抱持故虜得挾以去然素憚其威不敢抱妻宿得其所親使說以其冠紱見徽言叱之曰朝章覲君父禮以入穹廬可乎汝污偽官不卽媿死顧以爲榮且爲敵人搖吻作說客耶不急去吾力猶能搏殺汝妻宿因就見說曰二帝北去爾乃誰爲徽言曰吾爲建炎天子妻宿

曰我兵已南中原事可知何乃自苦徽言曰吾恨不謀汝歸見天子今以死報太祖太宗庸知其他又與酒令飲卽以盃擲虜曰我尚飲虜酒乎罵不已又出偽制誅之曰能小屈當使世帥延安并有關陝徽言益怒罵曰吾荷國恩此正吾死所此膝豈爲虜屈因大呼曰尔胡肖當亟殺我不可使餘人見加婁宿以戟向之徽言披衽迎刃神色自若因射之未死罵不絕聲旣死僵立不仆時年三十九粘罕聞其死怒婁宿曰爾虜很何專殺義人以逞爾私治其罪甚慘宜撫張浚與諸使者相繼

以死節聞高宗撫几震悼顧謂宰輔曰徐徽言死封疆
臨難不屈忠貫日月過於顏真卿段秀實遠矣不有以
寵之何以勸忠昭示來世乃贈晉州觀察使謚忠壯再
贈彰化軍節度使子岡既同死事而從孫適亦以守安
豐死蓋世著忠烈云

縉雲尉詹元夬良臣

子大方大猷附

詹良臣字元公遂安人敦厚有節操宣和初年七十二
以特奏名爲處州縉雲尉方臘起歛嶺且犯處守貳俱
遁良臣以數百人獨守城或謂良臣曰盍去諸良臣曰

食焉不避其難。吾官以逐賊爲職，縱不勝，敢愛死乎？率
弓兵出禦，力不敵，被執。賊脅以降，良臣曰：「汝輩不知
求生，願欲降我耶？」昔年李順反於蜀，王倫反於淮南，王
則反於貝州，身首橫分，妻子與同惡，無少長皆誅死。且
暮官軍至，汝肉餉狗鼠矣。賊恚憤，齧其肉，使自啖。良臣
且吐且罵，至死不絕口。見者掩面流涕。賊平，事聞，贈通
直郎。官其子三人。後累加金紫光祿大夫，謚忠節。長子
大方，登進士累官，端明殿大學士，工部尚書，樞密使，封
遂安伯。食邑八百戶。贈太師。次子大猷，補承事郎。官至

朝請大夫賜紫金魚袋

青溪尉翁開

翁開壽昌人也登政和五年進士宣和二年攝青溪尉方賊寇起領所部與賊戰不勝被執罵賊而死郡人鄭範爲之傳

休寧知縣鞠嗣復

鞠嗣復錢塘人宣和中知休寧縣方臘黨攻破縣欲逼使降面斬二士以怖之嗣復罵曰自古妖賊豈有久長者爾當去逆從順因我而歸朝廷官爵尚可得何爲脅

我使勝耶。嗣復知必死，不少懾厲聲曰：何不速殺我賊？曰：我縣人也，明府宰邑有善政，我不忍殺，乃委之而去。初，嗣復聞變，率吏民修城，民衆樂赴，不日而工畢，守備略就，朝廷知之，加直秘閣，擢知睦州。嘗爲賊所傷，自力渡江，乞兵於撫使，未至而卒。

忠翊郎姜綬

千特立附

姜綬，雁水人也。宣和中，以平睦寇有功，補承節郎、靖康初，金人犯汴，募忠勇士，齋蠟書往南京，調兵赴援。綬以忠翊郎應募，乃刳股藏書，縫下南壁，爲暹騎所獲。厲聲

罵之。遂被殺。建炎中，詔官其子特立，補承信郎。官終寧遠軍節度使。以詩鳴。有梅山集。

開封少尹夏元茂承

夏承字元茂，鄞人。登蔡薺榜進士第，任開封少尹。靖康間，虜騎入寇京師，尹徐秉哲散文樹根，括皇族，冀倖其全。承毅然折以大義，容令諸廂毀其文樹，盡散拘繫之人。紹興初，職文墨者，疏列其事。時國事方殷，褒異未遑。逮隆興初，詔以承爲忠義之士，命史館編錄姓名，特贈左朝議大夫。

開封令劉夢澤倚友

劉倚友字夢澤青田人登政和進士宰開封有聲靖康金人犯關受檄爲東壁彈劾官登城按視爲金人所獲脅使降倚友叱罵不絕口死之

穎昌守何彥時志同

何志同字彥時龍泉人元祐進士初校讐麟閣靖康餘虜寇穎昌守臣魯開懼宰相以志同代之至都屬士死戰虜數仞不得逞於是益以數萬騎圍其城而攻之不敵城陷志同委其子女挺身出招散亡將以復戰聞高

宗以大元帥開府濟陽遂率范滄等三十騎赴之高宗見之嘉賞先是志同嘗密啓以南都祖宗興王地請正位號以令天下及移蹕南都復申前奏從之以志同極大尹時國多難志同艱關赴急後奉身而退其進退可謂無媿矣

進士吳樞

吳樞慶元人登政和進士慷慨負氣以節槩自許靖康初詔募人使金者樞毅然請行既至唯長揖不拜金人欲烹之鼎油方沸樞攝衣從之顏色無少變金主壯其

節遣選

雲和柳味道

柳味道雲和人好讀書行已正大每以節義自持時有
寇柳機察作逆逼味道爲主堅誓不從寇怒縊於松以
脅之味道從容口占一詩曰國破家亦破年窮命亦窮
浮雲諸逆賊送我上青松竟縊死於松下

太學徐宅鄉揆

徐揆字宅卿江山人篤學力行以內舍領開封府首薦
待詔省闈金人至鄴城揆與太學生數輩上書虜酋責

其敗盟欲迎請二聖不得達翌日撰文自往或謂曰子
雙親垂白無位於朝欲以徇國特一簣障江河爾揆曰
不然昔燕破齊王蠲義不事燕絕脛而死齊士大夫迎
襄王於莒齊之殘民亦感激奮發而田單得以成功今
國破主辱可無一士死難揆雖不敏竊自比蠲庶幾天
下士奮義而起乃毅然竟至戎帳給以獻金銀數虜酋
見之揆袖出書且讀且誚責之首大怒揆不屈遂遇害
紹興初特贈宣教郎官其弟事及二書並載之國史

蓋縣簿祝公明

子陶附

祝公明處州麗水人太原府蓋縣主簿靖康間金人犯河東令弃官去公明攝縣事率保甲入援圍守踰年城陷不屈死子陶爲唐州司戶中原失守陶亦死官所建炎中贈公明承事郎

通直郎劉平甫晏

劉晏字平甫建德人人遠舉進士爲尚書郎宣和中率衆數百來歸受通直郎金人犯京師以晏總遠東兵號赤心隊建炎初從劉正彥擊淮西賊丁進進黨頗衆晏所提赤心騎才八百乃爲五色旗使騎兵持之循山而

出一色盡則以一色易之賊見官軍累日不絕顏色各異遂不戰而降遷朝散郎正彥反晏謂其部曲曰吾豈從逆黨者耶以衆歸韓世忠世忠追正彥及苗傅於浦城以晏騎六百爲疑兵於浦山之陽賊大駭晏以所部力戰正彥就擒世忠上其功遷一官金人犯建康杜克兵潰世忠退保江陰晏領赤心百五十騎屯青龍羣寇犯常州晏出奇破之進直龍圖閣保馬跡山以禦寇寇再至晏出舟師迎戰降其衆一千五百人賊方圍宣城急命晏往援晏至城下未立營壘出不意直搗方帳下

方大驚却走晏欲生致方單騎追之深入重地方合圍
數匝飛矢雨集晏獨奮長刀力殺數十人以援兵不繼
死事聞贈龍圖閣待制官其子四人死所立廟曰義烈
歲時祀之

司農少卿史洵美徽

子龜年均年岑年附

史徽字洵美益官人勤苦力學登崇寧五年進士累遷
戶部郎中出爲京西運判徽宗下詔罪已罷西城所督
逋賦徽悉焚其租籍進右司郎中以疾致仕高宗卽位
復起爲司農少卿建炎三年與黃鵠扈駕至京口俱遇

害後特贈左太中大夫右文殿修撰子三曰龜年均年
岑年龜年岑年皆官至員外郎

鄉貢鄭季厚覃

兄章妻董氏孫曾多附

鄭覃字季厚明州人靖康二年貢於鄉建炎四年金人
陷明州縱兵大掠覃挈族避難山谷聞金人追及與兄
章俱被執脅以刃曰與吾金卽貫死覃號泣指所瘞黃
金釵與之遂見釋而金兵相屬覃擊小舟與其妻董同
載去顧謂章曰萬一不得脫覃豈比而事異國者兄勉
主祭祀復爲兵所劫去迫使之降覃厲辭罵不屈躍入

水中董哭曰夫亡矣與其受辱以生不如死亦自沉。卒死後孫曾多舉進士而清之最顯。單景瞻太師秦國公董秦國夫人。

統制姚興

姚興舊名叔興、新城人、有勇力、善武藝、爲統制官、隸王惟紹、興三十一年、完顏亮入寇、兵至和州、尉子橋、興以一軍三千人、力戰、權置酒仙宗山上、擁羣刀斧自衛、殊不援、興殺虜數百、以援不至而沒、朝廷爲之立祠、以表其忠、寧宗朝、復加追贈、襲慶軍節度使、開府儀同三

錢塘令朱蹕 何臬附

蹕，安吉人。登大觀五年何臬榜進士第，任興國軍教授。除蹕維錄，高宗卽位，召赴行在，除太學錄。蹕請使虜，歸還，復除太學正。尋除錢塘令。建炎三年，兀朮完顏宗弼破桐川，將窺臨安。蹕請郡守康允之欲戍千秋，獨松嶺，以抗其咽。守不聽。臨安陷，守弃城遁，保赭山。蹕率民兵出禦，行二十里，遇賊對敵，兩中流矢，左右掖至天竺山，賊肆焚掠。蹕裹創，率里社，復以短兵邀擊，遂被害。

何。巢。歸。安。人。也。靖。康。中。從。徽。宗。幸。金。營。不。屈。而。死。遺。詩。云。人。生。會。有。死。遺。恨。滿。乾。坤。臨。大。節。而。不。奪。至。今。猶。凜。凜。有。生。氣。若。巢。與。蹕。可。謂。不。負。科。名。者。矣。

防城保甲於琳

於。琳。蕭。山。人。爲。本。州。防。城。保。甲。建。炎。初。陳。通。叛。琳。從。浙。東。去。撫。討。賊。戰。敗。被。執。賊。欲。刺。其。面。強。降。之。琳。罵。不。屈。賊。衆。攢。射。矢。着。如。蝟。毛。罵。不。絕。口。死。之。

承信郎李彥和靚

李。靚。字。彥。和。龍。泉。人。幼。孤。母。督。之。學。不。肯。卒。業。母。詰。之。

辭曰、國家遭女真之變、寓縣雲擾、士當捐軀爲國、戡大
憝、安能咕囁章句間、效淺丈夫哉、岳飛督師平虜寇、挺
身從之、未行、奔母喪、服除、走淮南、以策干都督張浚、浚
奇之、使隸淮西總管孫暉麾下、累功、投承信郎、紹興十
年、金人犯境、覲率部曲當其鋒、轉戰至西京天津橋南、
俘其酋、乘勝逐北、會金兵大至、部曲奔潰、覲大呼曰、今
日是我報國之日、遂躍馬陷陣、死、年三十二、

右僕射魏南夫杞

魏杞、字南夫、鄞人、舉紹興十二年進士第、歷縣有能名、

後遷宗正少卿。假禮部尚書使金國。行次盱眙。金人以萬騎脅之。杞不爲動。卒奉禮幣以往。當是時。興隆議和。改君臣獻納禮。孝宗以緘書授杞。杞行近北界。心動。亟回白。上曰。國書封滕。不知何事。彼震怒凌辱。將倉卒占對。失國體。願陛下諭意。臣願以死承詔。上大悟。始盡言。書旨。初。上之不言者。懼杞畏惡。辭行耳。杞至金。金主果怒。絕飲食。以困杞。杞言。宋皇帝銳意恢復。將使兩國之民俱受塗炭。羣臣交奏。迭諫。故更進和議。誠與太上皇帝言和時不同。使不允杞死此耳。金主悔。卒正敵國禮。

減歲幣舊數以歸。孝宗大喜，除起居郎，遷給事中。乾道二年，拜同知樞密，參知政事。明年，拜右僕射，卒。謚文節。

衛士唐琦

唐琦，臨安衛士也。高宗航海，琦以病留越州。李鄴以城降，金人琶八守之。琦袖石伏道傍，伺其出擊之，不中被。執琶八詰之，琦曰：「欲碎爾首，死爲趙氏鬼耳。」琶八曰：「使人人如是，趙氏豈至是哉？」又問曰：「李鄴爲帥，尚以城降，汝何人敢爾？」琦曰：「鄴爲臣不忠，吾恨不得手刃之。尚何言斯人爲？」乃顧鄴曰：「我月給才石五斗米，不肯背其主。」

爾享國厚恩、乃若此、豈復齒人類哉、詎罵不少屈、吾人
趣殺之、至死不絕口、事聞、詔爲立廟、賜名旌忠。

沈提舉瑄

沈瑄、德清人、仕爲燕山府提舉、金虜犯邊、爲郭藥師所
執、以兵臨之、終不屈、虜壯之、遣同李鄴赴關、讓和瑄首
陳虛實、乞邀擊之、不用、著南歸經世二錄、以摠忠憤。

龔生

龔生、上虞人、伉健、有智略、建炎中、金兵渡浙江、次上虞、
所至焚掠、民皆竄山谷、生獨奮臂、論其里人李氏、伍氏

郭氏曰虜將屠吾邑吾屬雖力不敵有死不可去遂募民之果悍者得數十人迎縣令丞依險自固分署隊伍整兵環向以待之虜至出其不意驅衆先登嶺礮投石擊之且率衆薄虜虜驚却斬其將殺傷甚衆生亦戰死

戶部侍郎梁貴全總

子綸 絳州

梁總字貴全西安人丰姿端靖以明法擢廷評時有欲入人罪者總堅執不見聽乃求去爲淮西檢法守曲江以薦召丞大理稍遷少卿孝宗稱其忠正廉恪出爲浙西憲平丹陽盜採廢陵荒入爲廷尉晉戶部侍郎使虜

出國門、孝宗晏駕、總卽衣黻渡淮、虜逼之、易服、總毅然不變、虜燕必張樂、至其庭、必簪花、講射、總皆移文、豫辭之、持弗從、就館、則扁其戶、絕不通、燕之日、又脅總、總曰、有死耳、國喪不卹、而以非禮相加、豈通好之誼耶、虜嘉歎之、悉如所請、既還、上受內禪、真拜刑部侍郎、未幾、奉祠告老歸、子綸、自戶部郎爲成都憲、絃守融州、

利東安撫使劉師文甲

劉甲字師文、龍游人、淳熙進士、累官度支郎、兼國史院編修、使金、至燕山、伴宴完顏者、犯仁廟嫌諱、甲力請完

頌更名脩還除實謨開待制知江陵府湖北安撫使移
知廬州程松爲四川宣撫使吳曦副之以甲知興元府
利東安撫使時曦已遣使獻四州於金金立曦爲蜀王
以重兵壓大散關曦陰撤驀關卒甲時在漢嘉聞變告
急於朝松謀遁甲固留不可遂以便宜檄甲兼沿邊制
置曦遣使以書致甲甲授大義拒之因卧疾曦又遣其
弟收邈甲相見甲叱而去之乃授顏真卿故事欲拔歸
朝先募二兵持帛書遺叅知李墜告變曦僭王位甲卽
去官朝廷久乃微聞反狀韓侂胄猶不之信甲奏至舉

朝震駭。璧袖帛書進上覽之。稱忠臣者。再命吳總知鄂州。多賜告身金錢。招諭諸軍爲入蜀計。復以帛書賜甲。命審度事宜。從長區處。二兵皆補官。甲所行至重慶。聞安丙等誅曦。復還漢中。奏叛臣子孫族屬及附僞狀。公論快之。除甲宜撫使。金自鶴嶺關進屯八里山。甲分兵進守。金知有備。引去。上念甲精忠。拜寶謨閣學士。知興元府。利東安撫使。權四川制置司事。先是大臣撫蜀者。諸將事之。有所謂互送禮實賄賂也。甲下令首罷之。凡安丙所增田土茶鹽諸稅。一切報罷。邊民感泣。未幾卒。

於官年七十三，甲幼孤多難，母病刲股以進，生平常謂
吾無他長，惟足履實地，晝所爲，夜必書之，名曰自監理
宗詔謚清惠。

海州通判侯道子

侯，字道子，樂清人，以武舉授合浦尉，柳城令，衛步軍
司幹辦公事，侍衛馬軍行司計議官，寶祐五年，制置使
賈似道辟通判海州，兼南府計議官，李崧壽據山東，突
出漣泗，侯率衆鏖戰，城下死之，闔門遇害，太學生三十
一人，疏言於朝，卽海州賜廟，旌忠謚節毅，仍立廟其鄉。

百所著有霜崖文集。

陳提刑壽孫

陳壽孫遂安人以進士教授台州會新太守初視篆乃丞相丁大全黨也至謁廟日壽孫颺言曰昔冉求爲季氏聚斂聖人尚欲鳴鼓而攻之太守乃丁大全聚斂之徒烏可升吾夫子之堂哉守聞之遂解甲去後直龍圖閣歷福建提刑貪吏聞風畏懼引去未幾入覲與賈似道爭鹽法被劾歸元兵至率市人操兵聚遂安白岩橋禦之取民居扉戶床卓累以爲柵兵至民潰散遂被執

元將欲降之、嘆曰、叱曰、我大宋忠臣、乃從、爾胡邪、因厲聲曰、何不速殺我、遂囚於獄、邑吏或戲之曰、提刑亦下獄邪、壽孫叱之曰、吾志尚欲斬賊配吏、顧力屈耳、元將壯之、命益死獄中、

兵部侍郎應純之

應純之、孟明子也、與兄謙之、茂之、授業考亭之門、登嘉泰三年進士第、歷知楚州、兼京東經略安撫使、收捕李全等、所向多捷、會李全來歸、密請於朝、謂中原指日可復、時相史彌遠鑒開禧事、不欲大舉、但効立忠義軍、今

純之節制既而陞兵部侍郎秋八月金人人寇力戰死之。

蘄州知州李茂欽誠之

妻許氏子士九從子士宏附

李誠之字茂欽東陽人舉鄉薦第一慶元初釋褐授國子學錄佐江西福建帥幕嘉定中知蘄州增埤浚湟繕樓櫓修器械作惠民倉糴米數萬石實之十四年春金人犯邊以一日破五閔遂踐黃陂蘄勢如破竹時誠之已逾滿代者不至欲先遣其孥歸聞寇至而止時州兵迎新者半又分於憲司存者無幾乃選丁壯分布城守

募死士逆擊十里外大破之虜百道攻城當是時池陽
介泥援兵俱敗走朝命馮侍將兵救之擁兵境上遷延
不進虜攻益急誠之簡二驍將率百餘騎夜出劫其寨
而還料敵應變智略如神虜始憚之會黃矢守併兵爲
一凡十餘萬勢不能支誠之激厲將士勉以忠義城陷
子士允從子士宏力戰而死誠之望闕再拜付州印於
虞兵周俊使懷以歸朝廷謂其家人曰尔等宜速死無
辱於賊帥兵巷戰自旦至午士卒感其義皆死無一降
者左右略盡引劍自剄時年七十妻許氏及子婦若孫

皆赴水死。自城守至陷，凡二十六日。時三月十七日也。事聞，贈朝散大夫、秘閣修撰、封正節侯，立廟於蘄陽。賜名褒忠，士允贈通直郎，士宏承務郎。妻以下皆褒贈。有差，獨長子士昭以先返家獲全，護喪歸，葬於縣東七里東山之原。

太府少卿楊叔鎮九鼎

楊九鼎，字叔鎮，錢唐人。以父任入官，帥襄漕。夔有善政，後易利漕，帥天漢，虜劫大散關，九鼎先驅，駐河池縣，復大散關，又復皂郊，殺偽帥完顏，璘虜大憤，益發兵至。

九鼎死守清野原除太府少卿總領蜀賦時郡統吳攻
戰沒麾下兵潰虜據漢中擄大安軍九鼎檄張威何進
約虜於三泉匹馬不返會蜀有新帥首招潰卒至雞公
嶺復叛帥聞變卽遁有勸九鼎遁者答曰九鼎有職守
不可去賊至遂遇害後宜闡戮叛卒奏九鼎以死守職
乞厚加卹典以勸盡忠詔贈五官至朝議大夫官其子

三

定城尉張欽甫恂

張恂一名景說字欽甫岷人紹定四年爲定城縣尉攝

麻城縣事適虜攻破沙窩關深入麻城兵不支被執欲脅使降。愆曰吾氣吞若曹顧力屈耳吾從汝爲不義耶遂遇害。事聞贈通直郎。

太平倅豐公茂存芳

卒方義附

豐存芳字公茂清敏公玄孫也爲太平縣倅景定元年二月蒙古兵至知州孟知緝謀以城降存芳諫不聽。晉之知緝遂引蒙古兵屠其家同死者十八人卒方義竊其孤八歲禮長於民間傳至曾孫淳甫洪武中以賢良薦仕至監察御史。

饒州知州唐景實震 兄格附

唐震字景實會稽人少居鄉介然不苟交有言其過者輒喜既登第有權貴者擬牒薦之以示震震納之篋中既而于震以事震手還其牒封題如故其人大愧咸淳中由大理司直判臨安府是時潛說友尹京倚賈似道驕蹇亂政震每矯正之時江東大旱擢知信州震奏減綱運米蠲其租賦令坊置一吏籍其戶口勸富人分粟使坊吏主給之所活無算擢江西提刑過闕陛辭買似道以類田屬震震謝不能行至部又以疏力爭之趙氏

有守阡，倘其暴震，遣吏捕治，似道以書管教，震卒，以法劾道，忽使侍御史陳堅劾去之。咸淳十年，起震，鎮州時，興國、南康、江州諸郡皆已附元，兵略饒、信、吉、州，民咸守，上書求援，不報。元遣使說降，通判萬道同勸從之。震叱曰：「我偷生負國，邪立，斬元使，堅守不下。明年春，元兵大至，城中食且盡，都提舉鄒益壽遁，震蓋出宮，饑募餓士，莫有應者。城遂潰，元兵入，執震，畚土塞罵曰：「我恨力寡，不能盡殺爾賊，乃降爾邪。」遂與其兄椿及家人俱遇害。張世傑復饒州，判官鄒宗節求震尸以葬，贈華文。

通判池州。赴。卿。卯。發。其。二。子。

通判池州。赴。卿。卯。發。

庚。辰。年。

通判池州。赴。卿。卯。發。十年。上。合。登。第。歷。官。宣。城。宰。素。以。節。行。稱。中。被。論。罷。咸。淳。七。年。起。為。彭。澤。令。權。通。判。池。州。大。兵。渡。江。池。守。王。起。宗。弃。官。去。卯。發。攝。州。事。繕。壁。聚。糧。為。守。禦。計。明。年。正。月。大。兵。至。李。王。河。都。統。張。林。屢。誚。之。降。卯。發。憤。氣。填。膺。矐。目。視。林。不。能。言。有。問。以。禔。身。之。道。者。卯。發。曰。忠。義。所。以。禔。身。也。此。外。非。臣。子。所。得。言。林。以。兵。出。巡。江。陰。歸。降。而。陽。助。卯。發。為。守。守。兵。五。百。

餘柄皆歸林卯發知不可守乃置酒會親友與飲沃謂
其妻雍氏曰城將破吾守臣不當去汝先出走雍氏曰
君爲命官我爲命婦君爲忠臣我獨不能爲忠臣婦乎
卯發笑曰此豈婦人女子之所能耶雍氏曰吾請先君
死卯發笑止之明日散其家資與其弟姪僕婢悉遣之
二月兵薄池卯發晨起書几上曰君不可叛城不可降
夫妻同死節義成雙又爲詩別其兄弟與雍盛服同縊
從容堂死林開門降丞相伯顏入問太守何在左右以
死對卽如堂中覲之皆歎息爲其棺衾合葬於池上祭

其墓而去。

建康統制吳子雲從遠

弟從虎所

吳從龍字子雲，奉化人。官至武功郎。建康府統制。紹定兵難，爲先鋒，援絕被擒，使至秦州城下，諭降，終不屈。死之後，立廟維揚，賜額褒忠。其弟從虎，官至武經大夫。淳祐間，翰林學士應錄奏言：從龍有晉解揚漢路中大夫之節，請賜謚。咸淳中，史館檢閱黃震乞立傳。

均州錄事朱不塵光

弟時中附

朱光字不塵，麗水人。紹定三年，登進士第，尉襄陽。攝均

州錄事端平丙申均倅北人王用吉以城叛光諭之不從責之又。不從遂死於難。朝廷旌其忠。贈通直郎官一子勅曰。往歲北人以均城叛。爾光攝郡。決曹責以忠孝。遂遭執縛。斃於刀鋸。後三年。職兵鈐者始白其事於朝。有司考閱銓籍。龍飛梅進士也。嗚呼。爾死得其所。若朕之。盧傷何贈。以京秩錄其遺孤。庶使忠魂無復遺恨。弟時中。端平二年進士。

雀丘尉徐耀叟梅龜

子尚古附

徐梅龜字耀叟壽昌人警敏剛介不事阿徇登進士第

授安豐軍霍丘縣尉。端平三年，蒙古兵犯境，梅龜親率
上人王鎧等，扎寨安陽諸山隣境，亦賴以安。嘉熙元年，
蒙古兵又至，梅龜身先士卒，戰勝，俘獲甚衆。次年春，蒙
古大舉入寇，梅龜與戰不利。顧謂其子尚古曰：「彼衆我
寡，我知之矣。委質爲臣，有死無二。汝其行乎？」尚古曰：「大
人既死，忠尚古豈不能死？孝乃轉戰，益力至黃家渡，
皆遇害。淮西制置以聞，埋宗震悼，贈宣教郎，知霍丘縣
事。官其一子汲古，進武校尉。尚古贈承信郎，亦官其一
子肅，進義校尉。梅龜夙以文名，舉筆立就，嘗著春秋指

寧國若干卷行於世。

金部員外吳長翁德洪

弟雄飛附

吳德洪字長翁淳安人登淳祐九年進士第歷官金部員外郎遇事慷慨與時多忤元兵入臨安抗節而死弟雄飛字次翁秀整端重與兄齊名亦登景定三年進士累官太常寺簿風與李芾友善以忠義相許國亡募兵赴難時論痛之

樊守張漢英

張漢英奉化人幼聘呂氏女及請期呂以女雙雙拜漢

英曰聘時無恙而今喪明命也遂娶之咸淳間勸守樊城爲元阿朮所圍并守其江漢英募善泅者置蠟書於警中潛積草下浮水而出往荆郢求援至隘口元守卒見積草多鈎致泅者被獲於是郢荆之路亦絕又求得張順張貴二人俱智勇出衆俾爲都統二將又相繼爲元兵所殺至九年癸酉襄陽被圍五年樊城被圍四年元將張弘範進攻爲流矢中其肘束創見阿朮曰襄在江南樊在江北表陸攻樊則襄出舟師來救終不可取若我截江道斷其兵水陸夾攻之則樊必破而襄亦下

矣阿木從之遂以師截江而出銳師薄樊城漢英死焉

大理丞馮德父驥

弟驥附

馮驥字德父富春人性至孝母病刲股和藥以進登景
定進士調安吉武康簿有聲累遷大理丞時元兵下襄
樊募豪傑爲戰守計驥被薦協張濡守獨松元兵來攻
殺其渠帥元將益兵搗之濡遁驥與弟驥力戰死贈集
賢殿修撰

吏部尚書劉聲伯

母解氏妻林氏附

劉聲字聲伯樂清人早有令聞試入太學時大全方爲

臺屬劾奏丞相董槐迫逐去國將奪其位嚴率同舍生
伏闕上書大槩言朝廷進退大臣須當以禮書上忤執
政送南安軍安置歸別其母解氏母曰爲臣死忠以直
被貶分也及大全貶嚴還太學以材署昭慶軍節度掌
書記由學官試館職拜監察御史益以風節自勵遇事
敢言改正字丁父艱去服闋授集英殿修撰沿海制置
知慶元府事建濟民莊以濟士民之急召拜刑部侍郎
進吏部尚書兼中書舍人以母憂去明年江上師潰丞
相陳宜中起復嚴爲端明殿學士不起及賈似道死宜

中謀擁二王由温州入海以兵逆敵共攻將遜位於是
敵托宗祀於母弟成伯揮涕就道及羅浮憂憤卒其妻
林氏舉家蹈海死

浙西提刑徐伯謙道隆

知州趙良淳附

徐道隆字伯謙武康人以父任入官歷潭州判官荆湖
制置使遷浙西提刑惟治安吉時文天祥既至平江潰
卒四出爲浙西害安吉尤甚有旨命道隆措置乃梟其
首亂者於市牛監軍遁苑文虎程鵬飛俱遣書誘道隆
使降道隆焚書斬其使元兵至知州事趙良淳知不可

爲乃具公服自縊死。遺隆率親從軍三百人殊死戰。夫盡鎗槩折一軍盡沒。道隆見執，縻之艦中守者少，急赴水死。越三日宋亡。

司農卿杜貴卿許

杜許字貴卿，黃巖清獻公之從子也。德祐初，奮志勤王，集民兵四千人，見文天祥於西湖上。時天祥奉旨詣北軍講解，左右皆散，莫有從者。許慨然相從，至京口，以計賂守者，脫天祥，遂謀趨真州。真州守將苗再成聞天祥至，卽喜而出迎，且泣曰：兩淮兵足以興復，特二閩小隙。

不能合從耳。天祥卽以書遺二制置，時制置使李庭芝以爲天祥來說降，使再成，亟殺之。再成不忍，給天祥出相城壘。於是天祥與許東入海道，過兵伏環堵中，飢莫能起許。出從樵者，乞得餘糲羹以餉天祥而已。獨枵腹，行人板橋，兵又至，走伏藜藿中。兵入索之，檣許去。許解所懷金與卒，復免。因募二樵者以養荷。天祥許單步從至高郵，復由海道以達永嘉。聞閔危險，走數千里，所以轉讓天祥者無不至。每扼腕國事，輒與天祥涕淚相對。益王立天祥以觀文殿學士召至福州，拜右丞相而授

河川晨聽空城之敗被執不屈憂憤死

權知台州

王珪

王珪，僊居人，咸淳進士。德祐初，以太學博士權知台州。與陳仁玉築城浚濠，倡民義，堅壁以守。城既陷，赴泮橋水死之。寇兵至，欲取首級以獻功，其姪賓服珪衣冠，甘自殘，以全珪遺體。

承議郎陳雲翁歲之

陳虞之字雲翁，永嘉芙蓉人。登咸淳己丑第，初授揚州教授，改淮東帥幹。歷官廣王府記室參軍，積階承議郎。

元兵至溫、虞之、率子姪鄉人千餘人登芙蓉巖誓以死守。不降。元兵攻巖累爲所敗。越二歲始克下之。乃盡以家資投巖隙中。遂自刎死。子姪妻孥及鄉人死者八百餘人。被虜者五十餘人。遠近聞其事莫不爲之隕涕。

史館編校葉德平解祖

葉解祖字德平，樂清人。尚氣節，有家法。時史館編校脫，平退居教授。聞元兵渡江，謂子弟曰：吾生爲宋臣，死爲宋鬼。至元丙子冬，兵至，卽具衣冠望闕拜。躍入所居楊樓水中。

太學徐巨翁應鑣

琦崧女元娘友劉文錫附

徐應鑣字巨翁，江山人。咸淳末，試補太學生。德祐二年，宋亡，恭帝入燕，太學生百餘人皆從行。應鑣乃與其子琦崧、女元娘誓共焚子女，皆喜從之。太學故岳飛第，有飛祠，應鑣具酒肉祀飛，曰：「天不祐宋，社稷爲墟，應鑣死以報國，誓不與諸生俱北。」死已，將魂魄累王作配神主。與王英、靈、永、永無致琦亦賦詩以自誓。祭畢，以酒肉餉諸僕，諸僕醉卧，應鑣乃與其子女人梯雲樓，積書籍箱篋四周，縱火自焚。一小僕未寐，聞火聲起，至樓下穴牖。

窺之見應鍾父子儼然坐立如廟塑像走報諸僕壞壁
人撲穴滅應鍾不能死與其子女怏怏出戶去倉卒莫
知所之翌日得其屍祠前井中皆僵立瞳目面如生諸
僕爲其棺歛殮之西湖金牛僧舍益王卽位於闕贈朝
奉郎程嗣修僕後十年其同舍生劉汝錫率儒生五十
餘人收而葬之方家峪私謚曰正節先生

王小觀

王小觀瑞安小溪人自小有大志善禦每以忠義自許
年方弱冠元兵至溫竟抵瑞安陶山陶山去小溪餘三

上里小觀園之子悉傾家財召募勇敢者千餘人出陶
山迎敵彼衆我寡退入小溪元兵追之力莫能當遂被
執不肯降臨刑罵不絕口而死

徐梧叔夢魁

魏子附

徐夢魁字梧叔壽昌人領貢籍而宋祚適亡欲圖恢復
潛集子弟共三千餘人與開化魏亨同應陳宜中至信
州兵復潰散又聞丞相文天祥被執北去痛哭撫膺其
謀遂竄匿歸翁守地場山中大書宋林二字於石元初
屢薦不起年七十餘臨終謂子姓曰吾家宋臣也墓題

宋林處士足矣汝曹幸無食元祿言訖而歿

林提刑融

林融青田人仕宋爲提刑痛宋社淪亡潛歸九都牙陽起兵與復兵敗被擒送燕世祖義而釋之融歸復起兵元遣叅政高興來禦力屈死之

鄭季華采翁

宋天錫附

鄭采翁字季華壽昌人性剛果好讀書屢試不第居家學兵法宋社將屋然有扶拯之志元兵圍臨安倡義勸王郡人朱天錫等應之收集鄉兵勒部伍習騎射義

聲感激人皆效死未幾臨安失守兩官北去元將唆都陷建德安撫方回迎降遂犯白沙渡采翁率所部力戰兵敗被執不屈而死

行軍司馬陳與可自中

陳自中字與可宋丞相宜中母弟也好學善屬文頃刻千百言悉有理致咸淳戊辰登進士第由郡司馬擢太常寺丞會元兵渡江而罷德祐丙子宜中奉二王南遷自中以大都督府行軍司馬提兵拒守分水關食盡援絕士卒散亡元軍帥欲降之不屈朝服嚮面再拜而死

妻楊氏三子一女俱被虜幼子隨少常入西蕃爲僧名
犖真吃刺思

朝請大夫唐子煥元章

從子良嗣附

唐元章一名大初字子煥蘭谿人韶之弟也爲文思院
官宋德祐失國二王南遷元章與韶子良嗣起義興復
官撥溫州砲手三千爲之助時元兵壓蘭谿元章與戰
於黃盆灘破之斬其將奚達魯元兵退保桐廬遂進兵
拒守嚴州朝廷以元章爲朝請大夫知嚴州良嗣加閣
門宣贊武翼將軍江淮閩浙都統兵馬使相持二年糧

援不繼，戰不利，將趨閩。以圖再舉。元兵大至，元章戰死於龍游白雲寺前。元主帥唆都以雙虎符金牌招良嗣，不從，亦戰死於僊霞嶺下。

軍器監簿趙平甫良坦

趙良坦，字平甫，孝宗諸孫也。寶祐二年進士，知永嘉瑞安、福清，並以廉介名。會二王走閩中，徵良坦以軍器監簿贊軍事。於是募兵守禦，元兵南指，力屈就擒，脅降不屈。繫獄中二年，作書付其家曰：「試令三載無媿於心，守節二年不屈於敵，只因忠義二字累及老稚一門，吾今

唯死而已。後元帥詰其不屈狀，對曰：生爲宋臣，死爲宋鬼，速求一死，遂欣然就刑。

進士袁天與鏞

袁鏞字天與，鄞人，有大志，遂於春秋登咸淳進士第。以父憂未卽仕。國事日蹙，鏞竊歎曰：生爲宋臣，死則宋鬼，願無寸兵尺地不能捍禦，以固社稷，得仗義執言從常山睢陽於地下，不失爲宋國臣足矣。居三月，元將遣游兵十八騎駐鄞西山之資教寺，鏞奮然往，諭以大義。且肆言曰：汝主無故，謀起干戈，殘我土宇，使我人民宛轉。

鋒刃之下、天地鬼神所不容、四方忠義之士、日夜憤惋、勤王之師、日至吾恐汝北歸無日也、言未竟、就擒、元將奇其才、脅令降、曰、從則富貴、不從則燒戮、汝鏞罵曰、我爲宋臣、死則死耳、終不從汝胡也、元將怒、縱火燎之、鬚髮殆盡、聲氣愈厲、至死不少變、其日家人驚悼、赴水而死者十有七人、

趙孟崧

趙孟崧、山陰人、福王與芮之從子也、元兵入臨安、孟崧謀舉兵於越、事泄被執、至臨安、范文虎詰之、孟崧訴曰、

賊臣負國共危社稷我帝室之胄欲一刷宗廟之耻乃更以爲逆乎文虎怒驀出斬之過宋廟孟崧大呼曰太祖太宗之靈在天何以使孟崧至此杭人莫不隕涕旣死雷霆晝晦者久之

吳叔大觀

陳非熊熊弟彪熊虎子圭學姪壻坑子壻

吳觀字叔大新昌人嘗爲稽山書院山長與邑人陳非熊首業儒有氣節元兵入浙東恭帝北轅檄報相對慟即與協謀奉宋宗室趙節使圖恢復集義勇千餘繕城固守夕戰而死非熊弟熊彪虎子圭學姪壻坑數十

皆被害。惟子壘留新昌，獲免。痛父死難，屏居讀書。後至元十四年，婺寇掠新昌，邀擊陳宜慰。壘率宗人赴援，聞宜慰被殺，憤激決戰，皆歿於敗。兵嶺可謂世濟忠烈。

云

朱吉父光

張軫附

朱光字吉父，諸暨人。明經，敦行。元伯顏下江南，遣裨將上官基招撫浙東。至縣，光與同邑張軫等率鄉民抵禦。光被執，口占曰：生爲大宋臣，死爲大宋鬼。一片忠義心，明月照秋水。賊怒以火燃之，三日始絕。軫亦不屈而死。

光膏註西銘人多佩誦云

太學林慶雲逢龍

弟廷龍奔應魁附

林逢龍字慶雲平陽人。魁知讀書爲文有奇氣。少游郡庠。尋以胄牒補太學。與同舍齊應魁等上封事。乞正賈似道誤國之罪。宜急調兵解襄樊。圖買大怒。削其士籍。卿還本貫。逢龍乃屏跡居寶巖山中。德祐丙子。元兵至溫。秀王趙與釋道元將知逢龍姓名。令軍校至山中索之。遂被執。迫之登舟入城。逢龍攘臂怒罵。以腹觸其刃而死。弟廷龍字雷發。勤苦讀書。與逢龍同游太學。亦

夜。執。不。月。而。死。

張哲齊

張哲齊臨海人遺其名文丞相天祥借泰和胡文可太平呂武自通州泛海過其家約舉義兵將取明州不果後張弘範入寇見壁間檄捕得之哲齊知不免語弘範曰吾生爲宋民死爲宋鬼何惟我爲遂遇害

兩浙名賢錄卷之七終